



Synfocity = 822

mail us at : mzsynfo@gmail.com; mizoramsynod@gmail.com - Phone - 2314648

December 16, 2021

☐ **Synod Inkhawmpui tuang taka neih a ni**

Synod Inkhawmpui vawi 98-na chu December 7 - 12, 2021 chhung khan Republic Veng Kohhran Biak Inah neih a ni. December 8 - 11 chhungin Rorel a ni a, December 12 (Pathianni) chawhma inkhawmah Pastor 17 nemngheh niin Pro. Pastor 17 dahngheh a ni a, Minister Pension 15 an awm baw. Chawhnuah Minister chatuan ram pan tate mi 10 sunna hun hman niin Moderator Valedictory Sermon ngaihthlak a ni baw. Hripui lengin ziaawm lam ala pan theih loh avangin kumin Synod Inkhawmpuia hian zan lamah vantlang Pathian Biak Inkhawm a awm lo a ni.

Kumin 2021 Synod Inkhawmpuia puipa te chu:

Moderator	:	Rev. Dr. Vanlalnghaka Ralte
Secretaries	:	Upa Lalrinmuana (Sr.) Rev. Z.D Lalhmachhuana (Jr.)
Finance Officers	:	Rev. B. Sangthanga Rev. Lalramliana Pachuau
Statistician	:	Upa Lalthianghlina
Executive Secretaries	:	Rev. Lianhmingthanga Sailo Rev. K. Lalrinmawia

Synod Inkhawmpui hi kum 2010 atang khan Bial-in an thleng tan a, kumin 2020 hian Republic Veng Bialin Republic Veng Kohhranah an thleng a ni.

Rorel inkhawm tan ni December 8-ah Moderator kal chhuak Rev. Dr. C. Lalhlira'n Moderator thar Rev. Dr. Vanlalnghaka Ralte hnenah Moderator mawhphurhna a hlan a, rorel tan nghal a ni. Synod Inkhawmpui Palai 708 an kal.

Kum 2022-a Pastoral Ministry thupui atan "*Tih tak zeta Lalpa rawngbawl*" Joshua 24 : 14 chu thlan a ni.

Executive Secretary tharte:

Rev. C. Zoramawia, Senior Executive Secretary
Rev. V.L. Luaia Hranleh, Executive Secretary
Rev. Dr. K. Lallawmzuala, Executive Secretary

Administrative Secretary thar te:

Barak Area	- Rev. Lalrintluanga Ngente
Chhim Bial	- Rev. H. Lallianzara
Manipur Area	- Rev. P.B. Zosapthara

Department Hotu thlan tharte:

Rev. R. Lalhmingsanga	- Secretary, Synod Mission Board
Rev. Dr. R. Tlanghmingthanga	- Principal, Aizawl Theological College
Rev. Lalbiaknia	- Editor, SL&PB
Dr. Lalthakima	- Director, Synod Hospital

Synod Inkhawmpui rorel tlangpui te chu Synod Inkhawmpuia Fraternal Delegates-ten chibai bukna thu an sawi thin inkaihhruaina chungchang te, Kohhran inkhawm leh inkhawm dang tihthlem dan ngaihtuah chungchang te, Kohhran Pathian Biak Inkhawm kal hmang zir chian rawtna te, Pathianni hlutna leh pawimawhna inzirtir thar lehna chungchang te, Zirnain hma a sawn theih nana Sawrkar leh Synod thawh ho dan zawn rawtna te, Act East Policy Synod-in lo zir chianga hma lak rawtna te, Synod-in Kohhran hma thlir research base-a neih rawtna te, Kristian Ni pawimawh humhalh tura hmalak chungchang te leh inkaihhruaina hrang hrang enthat te a ni.

Kumin Synod Inkhawmpuia hian Bial thar 3 - Mizoram chhungah Bial 1 - Tualcheng Bial leh Mizoram pawnah Bial 2 - Rayagada Bial (Odisha Field) leh Kulpi Bial (Calcutta Field) te hawn thar a ni baw.

☐ **Presbyterian English School (PES)**

December 16, 2021 (Ningani) hian Darlawn-ah PES Teachers' Meet leh infuihna hun hmanpuiin Rev. K. Lalrinmawia, Executive Secretary, Pu P.C Vanlalhruaia, Supervisor of Schools leh Pu Peter Lalanpuia, Synfo te an kal.

□ **Synod Mission Board leh ram pawn chet velna**

♦ **January - November, 2021 chhunga Mission Field hrang hranga ringthar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	89	10.	Karbi Anglong	166
2.	Arunachal & Assam Mission (North)	112	11.	Kolkata	1889
3.	Arunachal & Assam Mission (West)	80	12.	Lucknow	80
4.	Assam	113	13.	Masihi Sangati	4327
5.	Barak	102	14.	Nepal	104
6.	Delhi	136	15.	Odisha	103
7.	Home Mission North	59	16.	Patna	67
8.	Home Mission South	56	17.	Siliguri	189
9.	Jharkhand	454	18.	Tripura	721
TOTAL					8847

♦ **Odisha Mission Field**

December 11, 2021 (Inrinni) khan Odisha Mission Field-a Gillakuta Pastor bial Luduhyery khuua Biak In thar chu Field Secretary-in a hawng a, Biak In thar lawmna ruai theh a ni a, ruai thehna atan hian Pu Lalchangliana Sailo, Bawngkawn, Aizawl leh Pi Lalramchhani, Australia ami ten bawng pakhat ve ve an thawh a, Pu Lalthanliana, Chawnpui, Aizawl ten arsa man tur Rs. 5,000/- an thawh bawk.

Biak In thar hawnnaah hian Aizawl leh Kolasib atangin Upa Kamlova tu leh fa te an tel a, anni hian Biak In ceiling fan leina tur Rs. 5,000/- an hlân.

He Biak In hi Upa Kamlova leh Aithuami, Venglai, Kolasib te nupa hriatrenng nân-a an tu leh fa ten Rs. 2,45,000/- an thawh hmanga sak a ni a, a khaw mite hian Rs. 20,000/- an thawh bawk a. Pu Laldinliana, College Veng Aizawl-in a chhung bungrua leh a chei nan Rs. 50,000/- a thawh bawk.

He khuah hian ringtu chhungkaw khat chauh an awm a, an ni pawh hi tun hma chuan Roman Catholic an ni thin a. An fa rei tak dam lo tawh chu kan rawngbawltu (a ram mi) te tawngtaina-ah damna a chang a. Chumi hnu chuan, "Nangni zingah hian kan lo awm tawh ang e, nangmahni avanga damna chang kan ni si a," an ti a ni.

Chhungkaw khat chauh ringtu kan neihna khuah chuan Biak In sak chu tan a ni ta a, An khuah Biak In sak an duh thu Pastor ten an han sawi chuan, ringlo vek an ni chungin, an khaw hmun ram awl rem lai tak chu a thlawnin, pawisa sen pawh beisei lovin an khawtlang chuan Biak In sak nân a pe a ni.

Biak In hmun buatsaih tirh atangin ringlo te chu an hnatlang ve a, an phur em em mai a. Biak In sak chhung zawng hian a khaw mi (ring lo) te chu Biak In sak ni apiangin an thawk ziah a. Chhungkaw khat chauh ringtu awm mahse, a khaw chung in tin chu thawk lo an awm ngai lo. Anni pawhin, 'Hetah Biak In a awm chuan keini pawh kan inkhawm ve thin ang,' te an ti thin.

♦ **Masihi Sangati**

December 12, 2021 (Pathianni) khan Sairang Dinthar Railway hnathawk atangin 109 Lal Isua zui turin an inpe.

♦ **Jharkhand Mission Field**

December 12, 2021 (Pathianni) khan ringthar 3 Lal Isua zui turin an inpe.

♦ **Assam Mission Field**

December 12, 2021 (Pathianni) khan ringthar 1 Lal Isua zui turin a inpe.

♦ **Delhi Mission Field**

December 12, 2021 (Pathianni) khan ringthar 9 Lal Isua zui turin an inpe.

♦ **Karbi Anglong Mission Field**

December 12, 2021 (Pathianni) khan ringthar 1 Lal Isua zui turin a inpe.

♦ **Barak Area Mission Field**

December 12, 2021 (Pathianni) khan Baptist Kohhran atangin Chhungkaw khat, member pali awmna kan Kohhranah an inpe.

♦ **Tripura Mission Field**

December 9 - 12, 2012 chhung khan Mairachari Kohhranah Crusade neih a ni a. Crusade Speaker Rev. Sanjit Debbarma, Khumwlng Pastor a ni a, bial hrang hrang atangin thawktu Kalachara Bial thawktute bakah mi pakua ruat a ni a, crusade neih chhung hian ringthar 21 Lal Isua zui turin an inpe.

♦ **Barak Area Mission Field**

December 12, 2021 (Pathianni) khan ringthar 1 Lal Isua zui turin a inpe.

♦ **Arunachal & Assam Mission Field (East)**

December 14, 2021 (Thawhlejni) khan ringthar 6 Lal Isua zui turin an inpe.

□ **Synfo leh Central KṚP buatsaih Krismas Urlawk**

Synfo leh CKTP buatsaih Krismas Urlawk chu December 14, 2021 (Thawhlejni) zan khan Mission Vengthlang Kohhran Hall - Golden Jubilee Hall-ah neih a ni a. Programme hi TV Hruaina Eng channel leh Synod Information YouTube channel-ah Live-a pek chhuah a ni.

Programme hi zan dar 7:30-ah ṭan niin Pu Lalchhungliana, Synfo Coordinator-in hunserh a hmang a, Rev. K. Lalrinmawia, Executive Secretary leh Rev. Vanlalmuanpuia Khiangte, Leader CKṚP te hnen aṭangin thusawi ngaihthlak a ni a, zaithiam hrang hrang te hnen aṭangin fakna hla ngaihthlak niin Ramthar Veng Branch KṚP ten faklam an entir bawk.

□ **Zirlaite Pual Krismas Carol**

Synod Campus Ministry leh Synfo buatsaih Zirlaite Pual Krismas Carol Live Programme chu December 16, 2021 (Ningani) zan hian Mission Veng Kohhran Hall-ah neih a ni dawn.

Programme hi zan dar 7 -ah ṭan a ni ang a, Rev. R. Ramnghinglova, Campus Ministry Director-in hunserh a hmang ang a, Rev. B. Sangthanga, Executive Secretary i/c Campus Ministry, Prof. Lalbiakdiki Hnamte, Mission Veng leh Pu Lalnghinglova Hmar, Aizawl Venglai te hnen aṭangin thuchah tawi ngaihthlak a ni ang a, zai thiam hrang hrang hnen aṭangin fakna ngaihthlak a ni ang a, Mission Veng Branch KṚP ten Skit an entir bawk ang.

Programme hi TV Hruaina Eng channel leh Synod Information Youtube channel-ah te Live-a pekchhuah tura ruahman a ni.

□ **Kum 2022 Nilai leh Beihruai Thupui Bu**

Mizoram Presbyterian Kohhran chuan nakkum 2022 atana Nilai leh Beihruai Thupui zirlaibu tur chu a tichhuak ta a, Synod Bookroom Branch Distribution Center-ah te lei theiha chhawp chhuah a ni.

Nilai leh Beihruai Thupui bu hi Mizo lekhkhabu malkhaiah Puitling Sunday School zirlaibu tih lovah chuan copy chhut chhuah tam ber a ni a. Copy 70,000 zet chhut a ni.

Nakkum 2022 hian Nilai leh Beihruai Thupui-ah "**Pathian Biak leh Chanchin Ṭha Hril**" tih chu zir a ni dawn a. Presbyterian Pastor-te zinga mi thiam leh Chanchin Ṭha hril lama tawn hriat ngah, thuhiril rawngbawlina lama hriat hlauh tak leh Mission Board Secretary hial lo ni tawh Rev. Vanlalbela ziah a ni. Nilai leh Beihruai Thupui bu hi phek 235-a chhah niin Rs. 140- man a ni.

□ **Synod Relief Fund**

Tun hnaia harsatna hrang hrang nei te hnenah Synod Relief Fund aṭangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Chhiahtlang Chanmari	Damlo	1	Rs. 8,000/-
2.	Damparengpui	Damlo	1	Rs. 8,000/-
3.	Tuidam	Damlo	1	Rs. 8,000/-
4.	Mualcheng	Tui lian tuar	1	Rs. 10,000/-
5.	Ruantlang, Mualveng	Vanduaina	1	Rs. 10,000/-
6.	Zuangtui Vengthar	Damlo	1	Rs. 10,000/-
7.	Tuikual South	Damlo	3	Rs. 24,000/-
			TOTAL	Rs. 78,000/-

□ **Synod Office**

December 20, 2021 (Thawṭanni) hian J.M. Lloyd Hall, Synod Office-ah Synod Office-a thawktu pension-a chhuak tur leh hmun danga insawn turte thlahna hun an hmang ang.

Kumin krismas leh kumthar vuakvet chhungin Mizoram Synod Office chu khar a ni dawn a, Synod Office hi December 22, 2021 (Nilaini) aṭangin khar ṭan a ni ang a, January 6, 2022 (Ningani)-ah hawn ṭan leh a ni ang. Kohhranhote Krismas leh kumthar hlim taka hmang ṭeuh turin duhsakna kan hlan vek a che u.

- ❑ **Hruaina Eng FM Radio :**
DECEMBER 17, 2021 (Zirtawpni) (FM Zoawi - Aizawl & Lunglei @ 7:30 p.m.):
Solo : C. Lalhmingmawii - Tu hraichawi nge?
Zaipawl : Ramthar Kohhran Zaipawl - Kumsul liam hnu
Thusawi : Upa Zonunmawia - Eng tak, mi tin ti eng tu
Solo : K. Vanlallawmi - Sikni eng
Zaipawl : Chaltlang Bial Zaipawl - Ngaiteh van lal nau ang a pian ni

- ❑ **Susamachar Prasaran Programme :**
DECEMBER 19, 2021 (Pathianni) 5:00 pm. :
Group/Choir/Solo : Hindi Bible School - Barmaja
Group/Choir/Solo : Vaivakawn Masihi Sangati - Aye he (Krismas)
Sermon : Rev Darkhuma - Yishu Masih Ka Jaum Ke Vishae
Group/Choir/Solo : Venghnuai Kohhran - Daya Ka Sagar
Group/Choir/Solo : Hindi Bible School - Dhunia main chhaia
DECEMBER 26, 2021 (Pathianni) 5:00 pm. :
Group/Choir/Solo : Champhai Bethel Pastor Bial - Jab Jab Dekho
Group/Choir/Solo : LH Hindi School - Yesu MASIH
Sermon : Rev. P.C Rohlira - Uth Prakash Maan Ho
Group/Choir/Solo : P.C Lianhmingthanga - Ye Dharti
Group/Choir/Solo : Chawnpui Kohhran - Thandi Howe

WOMEN CENTRE HNARUAK HRIATTIRNA

Mizoram Presbyterian Kohhran Hmeichhiate enkawl Women Centre, Phunchawng-ah Puanthui zirtirtu 2 leh Security Guard 1 hna a ruak a. Presbyterian Kohhran Dan chhunga awm tan dil theih a ni. Dilna Form chu Bial tin Kohhran Hmeichhe Secretary hnenah leh Kohhran Hmeichhe Department, Synod Office-ah lam theih a ni ang. Dilna Form la chhuak remchang lote tan PDF-a thawn chhuah hmang hian online pawhin a dil theih ang.

- Dil theih hun chhung : January 12, 2022 (Nilaini) thleng
 Interview : January 14, 2022 (Zirtawpni) chawhma dar 10:30
 A hmun : Synod Committee Room I, Synod Office
 Dilna thawna tur : 9862306787 leh 8731000964

Sd/-

Rev. B. Sangthanga
 Executive Secretary i/c Kohhran Hmeichhia

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chhungin MTC Office atangin lak chhuah theih a ni e.

- Dil thei chin : Cl - XII pass chin
 Dilna theh luh hun hnuhnung : 18 February, 2022 (Friday)
 Entrance Test : 1 March, 2022 (Tues); (9:30 AM @ MTC)
 Interview : 3 March, 2022 (Thurs); (10:30 AM @ Synod Committee Room I)

Sd/-, Principal
 Missionary Training College
 Mission Vengthlang
 Ph. No. : 2310157/2301337/9612164982